



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-2024/24-3
Sarajevo, 30.10.2024. godine

ČLANOVIMA PARLAMENTARNE KOMISIJE ODGOVORNE ZA REVIZIJU

Dana 23.9.2024. godine održana je 3. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Prisustvom dovoljnog broja članova na sjednici Komisije, a koji su predhodno podijeljeni po grupama na čelu sa vođom grupe ispunjeni su uslovi za punovažan rad u pogledu održavanja rasprave u vidu javnog saslušanja. Slađan Ilić – vođa Prve grupe, koji je ujedno i predsjedavao 3. sjednicom Komisije je predložio **Dnevni red**, a koji glasi:

1. Rasprave sa sljedećim revidiranim subjektima u Federaciji Bosne i Hercegovine za 2021., 2022. i 2023. godinu:
 - Izvještaj o finansijskoj reviziji Zavoda zdravstvenog osiguranja i reosiguranja Federacije BiH za 2021., 2022. i 2023. godinu,
 - Izvještaj o finansijskoj reviziji Službe za zajedničke poslove organa i tijela Federacije BiH, za 2021., 2022. i 2023. godinu,
 - Izvještaj o finansijskoj reviziji Federalnog zavoda za zapošljavanje za 2021. i 2022. godinu,
 - Izvještaj o finansijskoj reviziji Operator – Terminala d.o.o. Sarajevo za 2022. godinu,
 - Izvještaj o finansijskoj reviziji Zraka d.d. Sarajevo za 2022. godinu.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. Rasprave sa sljedećim revidiranim subjektima u Federaciji Bosne i Hercegovine za 2021., 2022. i 2023. godinu:

Slađan Ilić – vođa Prve grupe je upoznao prisutne članove Komisije sa prijedlogom izvještaja revidiranih subjekata u Federaciji BiH za 2021., 2022. i 2023. godinu, a koji će biti predmet rasprave u vidu javnog saslušanja i to:

- Izvještaj o finansijskoj reviziji Zavoda zdravstvenog osiguranja i reosiguranja Federacije BiH za 2021., 2022. i 2023. godinu,
- Izvještaj o finansijskoj reviziji Službe za zajedničke poslove organa i tijela Federacije BiH, za 2021., 2022. i 2023. godinu,

- Izvještaj o finansijskoj reviziji Federalnog zavoda za zapošljavanje za 2021. i 2022. godinu,
- Izvještaj o finansijskoj reviziji Operator – Terminala d.o.o. Sarajevo za 2022. godinu,

Raspravu u vidu javnog saslušanja, postavljanja pitanja i traženja odgovora za navedene revidirane subjekte u Federaciji BiH obavili su sljedeći članovi Komisije, a koji su predstavljali Prvu grupu: Sladan Ilić – vođa Prve grupe i ujedno predsjedavajući 3. sjednicom Komisije, Vesna Saradžić i Muamer Zukić.

Također, 3. sjednici Komisije prisustvovali su i sljedeći članovi Komisije: Damir Džeba i Mirjana Marinković – Lepić.

Pored članova Komisije, sjednici je prisustvovala i predstavnica portala Revizija.info, dok pozvani predstavnici Ureda za reviziju institucija u Federaciji BiH nisu prisustvovali ovoj sjednici.

Predstavnici Prve grupe za obavljanje javnih saslušanja na čelu sa vođom tima Sladanom Ilićem su obavili raspravu odnosno javno saslušanje sa predstavnicima **Zavoda zdravstvenog osiguranja i reosiguranja Federacije BiH.**

Obzirom da predstavnici Ureda za reviziju u Federaciji BiH nisu prisustvovali ovoj sjednici, uvodno izlaganje dao je vođa Prve grupe koji je upoznao članove Parlamentarne komisije odgovorne za reviziju Parlamenta Federacije BiH sa Izvještajima o finansijskoj reviziji Zavoda zdravstvenog osiguranja i reosiguranja Federacije BiH za 2021., 2022. i 2023. godinu, gdje je konstatovano da je ovaj revidirani subjekat za sve tri revidirane godine imao **Pozitivno mišljenje** na izvještaj o reviziji finansijskih izvještaja i **Mišljenje s rezervom** na Izvještaj o reviziji usklađenosti sa zakonima i propisima od strane Ureda za reviziju institucija u Federaciji BiH.

Nakon toga članovima Parlamentarne komisije odgovorne za reviziju, obratili su se predstavnici Zavoda zdravstvenog osiguranja i reosiguranja Federacije BiH, nakon čega je otvorena rasprava. Nakon što su saslušali predstavnike Zavoda zdravstvenog osiguranja i reosiguranja Federacije BiH, Prva grupa za saslušanje revidiranih subjekata i korisnika Budžeta Federacije BiH je konstatovala da će prilikom izrade konačnog Izvještaja sa zaključcima za oba doma Parlamenta Federacije BiH uzeti u obzir sve preporuke i prijedloge, kao i predložene zaključke koji su izneseni tokom javnog saslušanja, a koji će biti predmet rasprave na sjednicama domova Parlamenta Federacije BiH, a sve sa ciljem eliminiranja uočenih nepravilnosti i unaprijeđenja rada revidiranog subjekta.

Tokom obavljanja rasprave u vidu javnog saslušanja sa predstavnicima **Službe za zajedničke poslove organa i tijela Federacije BiH**, gdje su predmet rasprave bili Izvještaji o finansijskoj reviziji Službe za zajedničke poslove organa i tijela Federacije BiH za 2021., 2022. i 2023. godinu, članovima Komisije obratili su se predstavnici revidiranog subjekta. Konstatovano je da je ovaj revidirani subjekat za 2021. godinu imao **Mišljenje s rezervom** na Izvještaj o reviziji finansijskih izvještaja i **Pozitivno mišljenje** na Izvještaj o reviziji usklađenosti sa zakonima i propisima od strane Ureda za reviziju institucija u Federaciji BiH, dok je za 2022. i 2023. godinu revidirani subjekat imao **Pozitivno mišljenje** na Izvještaj o reviziji finansijskih izvještaja i **Mišljenje s rezervom** na Izvještaj o reviziji usklađenosti sa zakonima i propisima od strane Ureda za reviziju institucija u Federaciji BiH.

Nakon što su saslušali predstavnike Službe za zajedničke poslove organa i tijela Federacije BiH, Prva grupa za saslušanje revidiranih subjekata i korisnika Budžeta Federacije BiH je konstatovala da će prilikom pripreme izvještaja sa zaključcima za oba doma Parlamenta Federacije BiH uzeti u obzir sve preporuke i prijedloge koji su izneseni tokom javnog

saslušanja kao i predložene zaključke, a koji će biti predmet rasprave na sjednicama domova Parlamenta Federacije BiH i poslužiti kao dobra osnova za izradu finalnog Izvještaja sa zaključcima za Parlament Federacije BiH.

Tokom obavljanja rasprave u vidu javnog saslušanja sa predstavnicima **Federalnog zavoda za zapošljavanje**, gdje su predmet rasprave bili Izvještaji o finansijskoj reviziji Federalnog zavoda za zapošljavanje za 2021. i 2022. godinu, članovima Komisije obratili su se predstavnici revidiranog subjekta. Konstatovano je da je ovaj revidirani subjekat za 2021. godinu imao **Mišljenje s rezervom** na Izvještaj o reviziji finansijskih izvještaja i **Mišljenje s rezervom** na Izvještaj o reviziji usklađenosti sa zakonima i propisima od strane Ureda za reviziju institucija u Federaciji BiH, dok je za 2022. godinu revidirani subjekat imao **Pozitivno mišljenje** na Izvještaj o reviziji finansijskih izvještaja i **Mišljenje s rezervom** na Izvještaj o reviziji usklađenosti sa zakonima i propisima od strane Ureda za reviziju institucija u Federaciji BiH.

Nakon što su saslušali predstavnike Federalnog zavoda za zapošljavanje, Prva grupa za saslušanje revidiranih subjekata i korisnika Budžeta Federacije BiH je konstatovala da će prilikom pripreme izvještaja sa zaključcima za oba doma Parlamenta Federacije BiH uzeti u obzir sve preporuke i prijedloge koji su izneseni tokom javnog saslušanja kao i predložene zaključke, a koji će biti predmet rasprave na sjednicama domova Parlamenta Federacije BiH i poslužiti kao dobra osnova za izradu finalnog Izvještaja sa zaključcima za Parlament Federacije BiH.

Tokom obavljanja rasprave u vidu javnog saslušanja sa predstavnicima privrednog subjekta **Operator – Terminala d.o.o. Sarajevo**, gdje je predmet rasprave bio Izvještaj o finansijskoj reviziji Operator-Terminala d.o.o. Sarajevo 2022. godinu, članovima Komisije obratili su se predstavnici revidiranog subjekta. Konstatovano je da je ovaj revidirani subjekat za 2022. godinu imao **Negativno mišljenje** na Izvještaj o reviziji finansijskih izvještaja i **Negativno mišljenje** na Izvještaj o reviziji usklađenosti sa zakonima i propisima od strane Ureda za reviziju institucija u Federaciji BiH.

Nakon što su saslušali predstavnike Operator – Terminala d.o.o. Sarajevo, Prva grupa za saslušanje revidiranih subjekata i korisnika Budžeta Federacije BiH je konstatovala da će prilikom pripreme izvještaja sa zaključcima za oba doma Parlamenta Federacije BiH uzeti u obzir sve preporuke i prijedloge koji su izneseni tokom javnog saslušanja kao i predložene zaključke, a koji će biti predmet rasprave na sjednicama domova Parlamenta Federacije BiH i poslužiti kao dobra osnova za izradu finalnog Izvještaja sa zaključcima za Parlament Federacije BiH.

Predstavnici pozvanog revidiranog subjekta Zrak d.d. Sarajevo nisu pristupili javnom saslušanju, pa je komisija konstatovala samo da je revidirani subjekat za 2022. godinu imao **Negativno mišljenje** na Izvještaj o reviziji finansijskih izvještaja i **Negativno mišljenje** na Izvještaj o reviziji usklađenosti sa zakonima i propisima od strane Ureda za reviziju institucija u Federaciji BiH.

ZAMJENIK PREDSJEDNIKA
PARLAMENTARNE KOMISIJE
ODGOVORNE ZA REVIZIJU

Elvir Karajbić, s.r

PREDSJEDNIK
PARLAMENTARNE KOMISIJE
ODGOVORNE ZA REVIZIJU

Damir Džeba, v.r.